

Zaj Fij Xov

1. Hais... zoo li kuv, zoo li kuv! Zoo li txiv nraug yej wb ces wb mus caws yej rau tej mus hauv dej, es caws cav tuaj rau **hav**, yuav pom tau kuv niam kuv txiv tom no ntxhais nkauj mos sis mim luag li nyav lawv tau kuv niam kuv txiv tom ub txiv nraug tooj thuv qab los mus ua lawm nws **nyab** nis.

Zoo li txiv nraug yej wb ces wb mus caws cav tuaj rau hauv hav, es caws yej tuaj mus rau hauv **dej**, ces yuav pom tau kuv niam kuv txiv tom no ntxhais nkauj mos sis mim luag li ntshi ua txiv nraug tooj thuv ntej los mus ua lawm nws **sev** nis.

2. Zoo li kuv niam kuv txiv tom ub li tshaj koob rau xov li nraim rau txiv nraug yej wb tias kom wb coj xov li dawg rau kuv niam kuv txiv tom no es cia nkauj nyab nraug vauv mus npaj nqaij npaj hno niam lawm peb hnuv tuaj rov los **poob**, kuv niam kuv txiv tom ub li coj lawm nkauj nyab nraug vauv tuaj nrog kuv niam kuv txiv tom no taug li nraim liaj lwg rhwv mis txoj mus kab **tshoob** nis.

Zoo li kuv niam kuv txiv tom ub li tshaj koob rau xov li nraim rau txiv nraug yej wb tias kom wb coj xov li nraim rau kuv niam kuv txiv tom no es cia nkauj nyab nraug vauv mus npaj nqaij npaj hno, npaj dej npaj cawv niam lawm peb hmo tuaj rov los **txog**, kuv niam kuv txiv tom ub li coj lawm nkauj nyab nraug vauv tuaj nrog kuv niam kuv txiv tom no taug li nraim liaj lwg rhwv mis txoj kab **kos** no tis yuas kuv niam kuv txiv es.